



Peqqinnissaq pillugu ataatsimiititaliarsuup sulinissaanut tunngavissiamik UPA2020-mut siunnersuummik saqqummiusseqqullugit Naalackersuisut peqquneqarnissaannik aalajangiiffigisassatut siunnersuut. Ataatsimiititaliarsuaq peqqinnissaqarfimmi ataatsimut isigalugu pitsangorsaatisanik inassuseqaasiussaaq, tassunga ilanngullugit sulisussarsiortarneq, sulisut sulisoriinnarnissat kiisalu Danmarkimik nunanillu allanik suleqateqarneq. Inassuteqaatit peqqinnissaqarfimmi aaqqissuusseqqinnissamut Inatsisartut politikikkut tunngavigissavaat. Minnerpaamik peqqinnissamik suliaqartut kattuffii aamma soqu-tisaqartut Kalaallit Nunaanni peqqinnissaqarfissaqarfimmi suliaqarnermik ilisimasaqartut ataatsimiititaliarsuarmi sinniisoqassapput.

Inatsisartunut ilaasortaq Tillie Martinussen, Suleqatigiissitsisut

Tillie Martinussen, Suleatiigiissitsisut Peqqinnissaq pillugu ataatsimiititaliarsuup sulinissaanut tunngavissiamik upernaakkut inatsisartut 2020-imi ataatsimiinneranni siunnersuummik saqqummiusseqqullugit siunnersuuteqarputit.

Ataatsimiititaliarsuaq peqqinnissaqarfimmi ataatsimut isigalugu pitsangorsaatisanik suliaqarluni inassuteqaasiussasoq siunnersuutigineqarpoq tassungalu ilanngullugit sulisussarsiortarneq, sulisut sulisoriinnarnissaat kiisalu Danmarkimik nunanullu allanik suleqateqarneq ilanngullugu suliarineqarnissaa siunnersuummi toqqammavilersuutaavoq.

Inassuteqaatit peqqinnissaqarfimmi aaqqissuusseqqinnissamut Inatsisartut politikikkut tunngavigissaatut takorloorneqarpoq.

Minnerpaamik peqqinnissamik suliaqartut kattuffii aammalu taakkununga attuumassuseqarlutik soqutisagaqartut Kalaallit Nunaanni peqqinnissaqarfimmi suliaqarnermik ilisimasaqartut sinniisoqarnissaat siunnersuutigaat.

Peqqinnissaqarfik pillugu misissoriikkat misissoqeqattaarlugit aaqqinneqarsinnaapat? Tamatta pissutsit nalunngilagut peqqinnissaqarfik aaqqiiffigisariaqaripput.

Tamatta nalunngilarput peqqissinnaqarfik sulisoqarnikkut unammillernartumik killiffeqartinneqartut.

Qitusumik sumiiffikkaartumik tassalu regionikkaartumik napparsimaveqalersimanerput nalunngilarput annertuumik aamma pitsaassutimik qaffaaffiginiartussaagaluaq sumiiffippassuarnut kalluaasimasoq allaat sumiiffinni mikinerni amerlasuuni nakorsiartarfiit peqqinnissaqarfiit allaat ajornerungaartumik kiffartuussisussanngorlugit.

Upernaaq ataatsimiinnermi peqqinnissaqarfik pillugu ajornartorsiuterpassuit pillugit aaqqiissutaasussanik tikkuartueqattaarpugut utaqqqeqqissinnaanngitsunik qanoq iliuuseqarfigisariaqarluinnartunik tamannalu tunaartaralugu Peqqissutsimut,



Nuuk 10. okt. 2019

UPA 2019/98

Jens Napätök, Partii Naleraq

Isumaginninnermut, inatsisinillu atuutitsinnermut Naalackersuisoq neriorsornikuuvaatigut susassaqtut killiffik pillugu oqaloqatigiinnissamut siunnerfeqaqatigiinnissamullu qanoq iliuuseqarnissamik sakkussamik atugassamik ataatsimoorfiusinnaasunik suliaqarniarluni.

Maannakkut tamanna neriorsuutini naapertorlugu piviusunngortitsimmat nersualaarlugulu qujaffigerusuppara.

Neriorsuutini piviusunngortillugu maannakkut isumasioqatigiinneq ingerlanneqartussamut qaaqusivoq 14. oktober ulloq naallugu isumasioqatigiittussanngorlugu

Tassanilu qaqilerneqartartut unamminartut aammalu ajornartorsiutaasut politikikkut isummersorfigisariaqtut periarfissiissutigalugit aaliangersaavigineqassasut.

Suleriaaseq taamaattoq uagut Partii Naleqqamiit orniginarnerutippaput misissuinerpassuit nassuiaasiernerpassuit naammaleqaat qanoq iliuuseqarnissaput tullinngoruppoq.

Taamatut oqaaseqaateqarluta qilanaaraarput peqqinnissaqarfimmi tunngasuteqartut uani nassuiaasiortinniarnearaluartut oktober-ip 14-iani eqqartuereerluta qanoq iliuusissanik tulleriaarinikkut siunnerfeqartunik politikikkut tikkuussiumaartugut.

Peqqinnissaqarfipput napparsimavoq nukittorsartariaqarpoq, peqqinnissaqarfiup napparsimanagera nunap inuinit tuniluuppoq qanoq iliuuseqartariaqarpugut, nassuiaasioqqinnata qanoq iliuuseqarnissaq tullinngoruppoq.

Aningaasaliissutit peqqinnissaqarfimmut annertusaqqittariaqarpagut kialluunniit malinnaasup tamanna takusinnaalertariaqarpaa, peqqinnissaqarfik akeqarpoq aap, kisianni nunap inuisa pilliutiguarneri tassunga killeqalertariaqarpoq.

Peqqinnissaqarfimmut saaffiginninniarneq oqinnerulertariaqarpoq pitsaanerulertariaqarpoq, tamanna aqutissiuunniartigu nalunaarusioqattaarnerit nassuiaasioqattaarnerit misissueqattaarnerit qimallugit qanoq iliuuseqartariaqalerpugut.

Taamatut oqaaseqarluta Partii Naleqqamiit nassuiaasioqattaqqinnissaq tapersornatigut qanoq iliuuseqartariaqarlunnarnera piaarnerpaamik toqqarlutigu oqaaseqaateqarpugut

qujanaq